



YIHOOWA KAWOTETAA ERISSIYA

WOCHCHIYO KEELAA



**De'uwan
De'iyoogee
Go"ii?**

KESUWAA

3 De'oy Gencanawu Metiyaaba
Milatiyo Wode

4 Daafabay Gakkiyo Wode

6 Siiqiyo Uri Hayqqiyo Wode

8 Aqo Laggee Haraa Siiqiyo Wode

10 Neeni Wolqqaama Harggiyaa
Harggiyo Wode

12 Neeni Keehi Azzanada De'anawu
Koyenna Wode

14 De'uan De'iyoogee Go"iyoy Aybissee?

16 'I Neeyyo Qoppees'

YIHOOWA KAWOTETAA ERIISSIA
WOCHIYO KEELAA

Vol. 140, No. 6 2019 WOLAITA
Attamettiyo Qoodaa: 83,449,000
Qassi 343 QAALAN Giigees

HA XUUFEE, Xoossaa Yihooway Ubbaa Haariyaagaa gidiyo gishshawu a sabbees. Qassi saluwan de'iya Xoossaa Kawotettay mata wode iitatetta ubbaa xayssidi sa'aa gannate oottanaagaa yootiyo mishiraachuwan asaa minttettees. Nuuni merinaa de'uwa demmana mala hayqqidaagaa, qassi ha wodiyan Xoossaa Kawotettaa Kawo gididi haariya Yesuus Kiristoosa ammananaadanka minttettees. Hagee Yihoowa Markkati 1879ppe doommidi attamissiyo maxeete gidishin, polotika allaalletuppe naxa. Timirtte ubbawu Geeshsha Maxaafaa baaso oottees.

The Watchtower (ISSN 0043-1087)

May/June 2019

© 2019 Watch Tower Bible

and Tract Society of Pennsylvania.

Printed in Germany.

© Druck und Verlag: Wachturm Bibel-

und Traktat-Gesellschaft, Selters/Ts.,

V. i. S. d. P. Manfred Steffensdorfer, Selters/Ts.

TOOPHIYAWU:

Yeyihowa Misikiroch

P. O. Box 5522

Addis Ababa

Ethiopia

JARMANEYYO:

Jehovas Zeugen, Zweigbüro

65617 Selters

Germany

Hara ubba adrashaa be'anawu www.jw.org/en/
contact giyaagaa xeella.



Hara qonccissuwaa woy
Geeshsha Maxaafaa naxa
xanna'anawu koyay?

www.jw.org/wal xomoosa

woyko qommo baggan
de'iya adrashatuppe neeyyo
injjetiyaasaa xaafa.

Ha xuufee bayzettiyaaba gidenna. Kumetta sa'an Geeshsha Maxaafaa tamarissanawu giigissiyooabaappe issuwaa; he oosoy asay ba dosan immiyo miishshan oosettees. Miishsha immanawu koyikko, donate.jw.org xomoosa. Hara qonccissoy imettana xayikko, xiqiseti Wolayttatto Geeshsha Maxaafaappe ekettidosona. "NW" giyaagee, xiqisee Ooratta Alamiyaa Geeshsha Maxaafaappe ekettidoogaa bessees.

De'oy Genccanawu Metiyaaba Milatiyo Wode



UBBABAY lo'o gidiyo wode, de'oy keehi ufaayssana danddayees. SHIN issi issitoo metoy gakkiyo wode de'oy keehi wayssiyaaba milatana danddayees.

Leemisuwawu, iyyo de'iya ubbabaa gotee xayssido, Amarkkan de'iya Saala* hagaadan gaasu: “Un'issiyaabaa genccanawu danddayennabadan taayyo siyettiis.”

Nu siiqiyoogeeti hayqqiyaaba gidikko shin? Awusttiraaliyan de'iya Jaanisa hagaadan gaasu: “Ta naa'u naati hayqqido wode, ta de'oy kinchchettida oto mala gididaagaa tawu danddayettiida keenaa zaarettada koolaas. Taani, ‘Hayyanaa, hagaappe aaruwaa genccana danddayikke! Taa ni hayqqana koyays. De'anawu koyikke' yaagada Xoosaa woosaa.”

Qassi Daaneeli A machchiyaa ammanettabeenna wode keehi qohettiis. I hagaadan giis: “Ta machchiyaa ammanettabeennaagaa tawu paaxido wode ta wozanaa mashshay caddidobadan tawu siyettiis. Hegee tana zaari zaari asatettan qohiisinne daro aginawu hegaadan oottiis.”

Ha *Wochiyo Keelay* kaallidi de'iya metoy gakkiyaaba gidikkokka de'uwan de'iyoogee go"iyoogaa qonccisees

Daafabay gakkiyo wode

Siiqiyo uri hayqqiyo wode

Aqo laggee haraa siiqiyo wode

Wolqqaama harggiyaa harggiyo wode

De'oy genccanawu metiyo wode

Koyruwan, daafabay gakkiyo wode waani genccana danddayiyo?

* Ha maxeetiyan issi issi sunttati laamettidosona.

Daafabay Gakkiyo Wode

“Koyro nuuni hidootaa qanxxida. Woddayenne di'oy nuuyyo de'iya ubbabaa xayssiis.”—Andira, Seeraliyoone.

“He gotiyaappe simmin nu soo simmida. Attidabi aybinne baawa. Nuuni keehi dagammida. Ta na'iyaa gulbbatada yeekkaasu.”—Deevida, Verjin Haruuruwaa.

DAAFABAY ne bolli gakkidaba gidikko, heгаа ma-labay gakkido harata daganttiyaabaa, etawu kirqqi giyaabaa, eta hirgissiyaabaanne elunchchiyaabaa neeni akeekana danddayaasa. Daafabay gakkido daroti hidootaa qanxxiyoonne abbiyaa xayiyo gishshawu, zaarettidi minnanawukka koyokona.

Daafabay gakkidi nebaa ubbaa xayssidaba gidikko, neenikka gencanawu metootana danddayaasa. Neeni de'uan de'iyoogee go'ennabandan qoppaana danddayaasa. Gidoppe attin, neeni de'uan de'iyoogee go'iyooqaanne lo'obaa hidootan naaganaadan oottiyaabi de'iyooqaa Geeshsha Maxaafay yootees.

GEESHSHA MAXAAFAY TUMAY NUUSSI HIDOOTAY DE'ANAADAN OOTTEES

Eranchchaa 7:8y, “Ai yohuwaassi gidikkonne, doomettaappe wurssettai keha” yaagees. Neeni daafabaappe minettanawu baaxetiyo wode, de'oy hidooti baynnaba milatana danddayees. SHin ne de'uwaa danddayan zaaretta essiyo wode, giigana danddayees.

“Hagaappe sinttanau yeekkiyaabaa cenggurssanne un77ettidi waassiyaabaa cenggurssai . . . siyettenna” sinttanau wodiyaabaa Geeshsha Maxaafay yootees. (Isiyaasa 65:19) Xoossaa kawotettay saaa

gannate oottiyo wode hegee polettana. (Mazamure 37:11, 29) Daafabay zaarettidi mule gakkenna. Iitabaa hassayiyoogeenne seelettiyoogee merinawu xayana; ayssi giikko Xoossay, “Kasebai ubbai hassayettennanne qofettenna” yaagiis.—Isiyaasa 65:17.

Ane qoppa: Medhdhidaagee “intteyyo sintta wodiyaanne ufaissaa” hegeekka Xoossaa haaruwan ufayssiya de'uwaa immanawu giigissiiis. (Ermmaasa 29:11) He tumaa eriyoogee ne de'uan neeni woppu gaada de'anaadan oottennee? Koyro huuphe yohuwan ibay odettido Saala, “Xoossaa Kawotettay sinttappe oottana ufayssiya ubbabaa qoppiyoogee kase aadhdhidabata aggidi ha'ibaa qoppaanaadan nuna maaddana danddayees” yaa-gaasu.

Xoossaa Kawotettay matan asa naatussi oottnabaa gujjada eranaadan minttettoos. Yaatiyoogan, nena gakkiiya daafabay de'ishinkka, hegee baynna wodiya yeemuwan naagaydda woppu gaada de'anaagaa ammanettana danddayaasa. Ha wodiyan, Geeshsha Maxaafay nuna gakkiiya metuwaa gencanaadan maaddiya minttettiya maarata immana danddayees. Amarida leemisota be'a.

Maaddana Danddayiya Geeshsha Maxaafaa Xiqiseta

Loytta xiskka.

“Daafuraaninne carkkuwaa oiqqanau yedettiyoogaa mala jaaman daafuridi demmiyo naa77u kushebaappe, woppan demmiyo issi kushebai darees.”

—**Eranchchaa 4:6.**

Xanna'iyaaageeti de'uwan hanidabaappe akeekidooqaadan, “loytti xiskkenaaagee . . . issi uri un”ettanaadaaninne garssa asattetan metoy merettanaadan oottiyooqaa” qonccissidosona. Hegaa gishshawu, loytti xiskkiyoogee erattettaa.

Neeyyo siyettiyaabaa haraatuyyo yoota.

“Hirggiyoogee asa ufaissaa diggees; shin shonggaara de7iya haasayai a ufaisses.”

—**Leemiso 12:25.**


Neeyyo siyettiyaabaa ne so asawu woy ammannettiyo laggiiyawu yoota. Neeyyo siyettiyaabaa etawu yootiyo wode so asay woy mata laggee ezggiyoogaa bollikka nena minttettananne maaddana danddayoosona.*

* Daro wodiyawu un”ettiya uri akkamettana koshshees.

Sinttanaa keha wodiyaa qoppa.

“Nuuni Xoossai immana giido ooratta saluwaanne ooratta sa7aa xilloo de7anasaa naagoos.”

—**2 PHeexiroosa 3:13.**



Siiqiyo Uri Hayqqiyo Wode

“Ta bayra ishaya qoppennan hayqqido wode, tawu leeliis. Daro aginay aadhdhinka, A hassayiyo wode ta wozanaa mashshan caddidobadan kehi seelet-tays. Issi issitoo, ‘Ta ishaya ayssi hayqqidee?’ gaada yiillotays. Qassi aara daro wodiya aattabeenna gishshawu, tana mooranchchadan xeellays.”
—Vanesso, Awustiraaliyaa.

NEENI siiqiyo uri hayqqidaba gidikko, neey-yookka darobay, hegeekka kayyoy, booraseenne leelay siyettana danddayees. Neeni yiillotennan, mooridabadan qoppennaanne yayyennan ag-gakka. Geella, ‘De’uwan de’iyoogee go’iishsha’ gaad akka qoppennan ag-gakka.

Azzaniyoogee laafatetta gidennaagaa ammanetta. Hegee ne siiqiyo urawu neeni ay keena qarettiyaakko bessees. Gidoppe attin, azzanu-wappe minettiyoogee danddayettiyaabee?

ISSOTI ISSOTI WAANI GENCCIDONAA?

Kayyoy mule aggennaba milatikkokka, kaalli-di de’iya qofay nena minttettana danddayees:

KOSHSHIYO WODE KAYYOTTA

Asay azzaniyo ogee woy azzaniyo wodee dumma dumma. SHin yeekkiyoogee azzanuwaappe guut-taa woppissana danddayees. Doomettan denttiddo Vanessa, “Taani seelaappe woppaa demmanawu yeekkays” yaagaasu. I michchiyaa qoppennan hay-qqido Soofiya hagaadan gaasu: “Hanotaa qoppi-yoogee kehi azzanttiyaaba, hegee de’ida masun-ttaa meecchiyoogaa mala. He seelay danddayanawu metiyaaba, shin yaatiyoogee woppaa demmanawu maaddees.”

NENA QOFISSIYAABAANNE NEEYYO SIYETTIYAABAA HARATUSSI YOOTTA

Issi issitoo neeni asaara gayttanawu koyenna-gee erettidaagaa. SHin, azzanoy ne xallawu kehi

Maaddana Danddayiya Geeshsha Maxaafaa Xiqiseta

Ne azzanuwaanne ne afuttaa Xoossay qoppees.

Geeshsha Maxaafaa xaafidaagetuppe issoy Xoossawu hagaadan giis: “Taani woisu afuttaa tigidaakko, neeni eraasa. Eti ne mazggafan de’okkonaa?”

—Mazamure 56:8.

Ne wozanaabaa Xoossaayyo yootana danddayaasa.

“Ta metuwaa ubbaa [Xoossaayyo] yoota-is. . . . Abeet [Yihoowa]*, taani neeyyo . . . waassais.”—Mazamure 142:2, 5.

* Yihoowa giyoogee Geeshsha Maxaafan Xoossaa sunnta.

deexxiyaaba. A aaway hayqqido 17 laytta naay Jaa-
redi hagaadan giis: “Tawu siyettiyaabaa haratuuyo
yootaas. Taani odiyobay waayi qoncce gidana,
shin taayyo siyettiyaabaa haraatuyyo yootidoo-
gee tana maaddiis.” Doomettan denttido Janesa
demmido hara maaduwaa qonccissaydda hagaadan
gaasu: “Haratuura haasayiyo wode keehi woppu
gays. Harati taayyo siyettiyaabaa akeekiyo gishsha-
wu kayyottikkenne boorasikke.”

MAADUWAA KOYA

Issi dottoriyaa hagaadan gaasu: “Siiqiyo uri
hayqqin kayyottiyaageeti laggetinne dabboti eta so-
huwaara maaddikko, gencanawunne kayyuwaappe
minettanawu metootokkona.” Ne laggeti nena waa-
ti maaddanaakko etawu yoota, eti maaddanawu ko-
yikkonne, waati maaddanaakko waayi erana.—Lee-
miso 17:17.

XOOSAAKKO SHIIQA

Tina yaagasu: “Taani qoppennan de’ishin ta aqo
laggiyaa kanseree worin, ayyo ta metuwaa, tana qo-
fissiyaabaanne tawu siyettiyaabaa yootana dandda-
yenna gishshawu, ubbabaa Xoosaaayyo yootaas!
Ubba gallassi koyro he galla gencanaadan tana
maaddana mala Xoosaa oychays. Xoossaykka taa-
ni odada wurssenna daro ogetun tana maaddiis.” I
aayiyaa hayqqido wode 22 laytta naa gidida Tar-

sha hagaadan gaasu: “Geeshsha Maxaafaa ubbatoo
nabbabidoogee tawu woppaa immiis. Hegee taani
minttettiyaabaa qoppaanaan maaddiis.”

DENDDUWAABAA QOPPA

Tina gujjadakka hagaadan gaasu: “Taani ta aqo
laggiyaa, ta naati qassi bantta aawaa he wode keehi
laamotido gishshawu, dendduwaa hidootay koyro
tana minttettiyaabaa. SHin ha’i oyddu layttaappe
guyyiyan he hidootaa mintta oyqqaas. Hegee taa-
ni ciimmaappe kiyawu kutuuta oyqqido wodoro
mala. Taani A zaarettada demmanaagaa qoppays;
hegee qassi taayyo daro woppaanne ufayssaa im-
mees!”

Neeni kayyottada sohuwaara waaya minetta-
na. Gidoppe attin, Vanesi hanotay minttettees.
A, “Neeni mule minettikke gaada qoppiyaaba gi-
dikkokka, loddan loddan minettaasa” yaagaasu.

Hassaya, neeni hayqqida ura laamotiyooгаа ag-
gana xayikkokka, de’uwan de’iyooгаа awudekka
go’ees. Siiqiya Xoossay nena maaddin, neeni lo’o
laggetuura ufayttada de’ana danddayaasa. Mata
wode Xoossay hayqqidaageeta *denttana*. I neeni sii-
qiyo hayqqida uri hayquwaappe denddin A qoom-
miyo wodiya neeni be’anaadan koyees. Hegaappe
simmin, ne wozanaa mishoy merinawu xayi aggana!


Neeyyo hidootay de’ees.

“Haiquwaappe denddana.”

—Oosuwa 24:15.

Hayqqida keehi daro asawu zaarettidi de’uwaa
immanawu Xoossay qaalaa geliis, qassi I yaata-
nawu laamotees.*—lyooba 14:14, 15.

* Dendduwaabaa gujjada eranawu, Yihoowa Markkati attamissido,
Merinawu Ufayttada De’a! giyo maxaafaa timirte 30 xeella; hegee
www.jw.org/wal saytiyanikka de’ees.



Aqo Laggee Haraa Siiqiyo Wode

AQO DE'UWAN ammanettennaagee keehi qohiyaaba. Issi issi aqo laggeti maarotaa oychidi simmiya bantta aqo laggeta atto giidi issippe de'iyoo-geenne bantta dabbotaa ooraxissiyoogee tuma.* Gidikkokka, aqo laggeti shaahettin woy issippe de'inkka, bantta aqo laggee kaddidoogaa eridaageeti kayyottiyoogee attennaba. Hegeeti bantta meqqida wozanaa waati koolanee?

MAADDANA DANDDAYIYA GEESHSHA MAXAAFAA XIQISETA

Oohoy gakkido daro aqo laggeti keehi mishettikkokka, Geeshsha Maxaafaappe minttettuwa demmidosona. Xoossay eta afuttaa be'iyooaanne etawu qarettiyoogaa eridosona.—Milkkiyaasa 2: 13-16.

“Tana hirggai woriyo wode, neeni tana woppu oot-tada ufaissaasa.”—**Mazamure 94:19.**

Biili hagaadan giis: “He xiqisiyaa nabbabiyo wode, issi qarettiya aaway ba na'aassi oottiyoogaa-dan Yihooway ta sahuwaa qaretan irxxissiyaaba-dan taayyo siyettese.”

* Atto gaanaa woy agganaakko qofaa demmanawu, “Aqo Laggee Ammanettennaagaa Gidiyo Wode” giya Masqqala 8, 1999, *Beegottite!* (Amaaratuuwa) maxeetiyan kiyida qofaa xeella.

“Ta azinay yelaga maccaasiyo dosidi tana aggidi biyoogaa yootido wode, hayqqiyaakko ixxabeykke. Ta A gishshawu gaada aggabayido-baa hassayiyo wode, hegee tawu bessennaba.”—Maariyo, Ispeene.

“Ta keettaayiyaa qoppennan de'ishin tana aggada biido wode, ta wozanay maashi aggiis. Nu amoti, nu hidoootatinne nu halchchoti ubbay hada kiyidosona. Un'ettiyaaba ubbaappe la'a kiyidabadan taayyo siyettido gallassati de'iyaa-ba gidikkonne, wodhdha eqqada keehi un'ettays.”—Biila, Ispeene.

“Ammanettiyaageetuyyo neeni ammanettiyaagaa.”—**Mazamure 18:25.**

I azinay daro aginawu ammanettennaagaa gididi takkido Karneena hagaadan gaasu: “Ta azinay ammanettiya asa gidibeenna. SHin Yihoowan ammanttays. I tana awudenne aggiigenna.”

“Xoossaa intte woossiyo woosa ubban . . . inttena koshshiyaabaa ubbau woossiteppe attin, issibaukka hirggoppite. Qassi asa eratettaa ubbaappe aadh-dhiya Xoossaa sarotettaa intte wozanaanne intte qofaa nagana.”—**Piliphisiyuusa 4:6, 7.**

Saasha, “Ha xiqisiyaa zaara zaarada nabbabays” yaagaasu. Gujjadakka, “Taani zaara zaara woossin Xoossay taayyo saruwaa immiis” gaasu.

Qommoora etabay odettido ubbawu issi issi-too hidootay xayiiis. SHin eti Xoossaa Yihoowan ammanettidosonanne A Qaalaappe wolqqaa demmidosona. Biili hagaadan giis: “Hara ubbabay xayidaba milatido wode, ta ammanoy ta de'oy ufayssiyaagaa gidanaadan oottiis. Guutta wodiya-wu ‘taani haiquwaa milatiya xumaa giddoora biik-kokka,’ Xoossay tanaara de'ees.”—Mazamure 23:4.

Geccanawu Nena Aybi Maaddanee?

Minttettiya xiqiseta wotta dentta qoppa.

Biili hagaadan giis: “Ta hanotaara maayiya qofa ubban malaataydda, koyro Iyyoba maxaafaa, hegaappe simmin Mazamure maxaafaa nabbabaas. Ha maxaafata xaafidaageeti taagaadan azzanidoogaanne un”ettidoogaa taani akeekaas.”

Mazamuriyaa ezggiyoogan minetta.

Karmeena, “Qammi xiskkoy ixxiyo wode, mazamuriyaa ezggays. Hegee tana keehi minttettiis” yaagaasu. Daaneeli, “Gitaariyaa kaa’iyoo-gaa tamaaraas, qassi muuziqay sarotettaa demmanaadan tana maaddiis” yaagiis.

Neeyyo siyettiyaabaa haratussi yoota.

Daaneeli hagaadan giis: “Tawu siyettiyaabaa haratussi yootikke. SHin taayyo lo”o laggeti de’iyo gishshawu etaara ubbatoo haasayays. Taayyo siyettiya toohuwaa etaara haasayiyooqaaninne etayyo xaa-fiyooogan eta toossays. Hegee tumuppe maaddiis.” Saasha qassi hagaadan gaasu: “Nu so asaa maaddidoogee tawu keehi koshshidaba. Ta aayiyaa ubbatoo ta miyyiyan de’awusu. Ta iyyo haasayana koyiyo wode ubban ezggawusu. Ta aawaykka taani hirggenaadaaninne woppu gaanaadan, qassi loddan minettanaadan tana maaddiis.”

Qanxxennan woossa.

Karmeena, “Ubbatoo woossays. Xoossay ta yootiyooqaa siyiyoogaaninne tana maaddiyooqan tana aggabeennabadan tawu siyettiis. Wayssiya wodiya ubban Xoossaakko shiiqaas” yaagaasu.



Neeni Wolqqaama Harggiyaa Harggiyo Wode

“Tana goofiniyaanne maracciyaa kansseriyaa harggee oyqqidoogaa erido wode, taani hayqqays gaada qoppaas. Gidoppe attin, dottoriyaa matappe soo simmada, ‘Hekko taani qoppidoogaa mala gidenna; shin, haggaa gencciyo oge taani demmana koshshees’ gaada qoppaas.”—Lindo layttay 71.

“Ta haddirssa bagga qinxalliyyaa narbbiyaa keehi qohiya wolqqaama sahay tana sakkées. Issitoo, wolqqaama sahay taani un’et-tanaadan oottiis. Darotoo, taani boorasays; ubba qassi tana tarkka woranawu qoppaas.”—Eliso, layttay 49.

WORANA danddayiya sahay nena woy ne siiqiyo ura sakkikko, hegee ay keena un’issana danddayiyaakko neeni eraasa. Sakkiyoogaa bolli, eesuwan yiillotiyoogaa woy hirggiyoogaa neeni danddayana koshshees. Akkamettiyo keeruwan un’ettiyoogee, xale demmanawu woy shammanawu metootiyoogee, woy xalee gattiyo qohuwaa yayyiyoogee keehi

hirgissananne yashshana danddayees. Wolqqaama sahuwaara gayttidaagan qofan paxa kaa’ettiyoogee qohiyaaba gidana danddayees.

Nuuni maaduwaa awappe demmana danddayiyo? Xoossaakko woossiyooaaninne Geeshsha Maxaafaape minttettiya qofaa nabbabiyooagan daroti

Maaddana Danddayiya Geeshsha Maxaafaa Xiqiseta

Xoossan ammanetta.

“Taani GODAA koyaas; koyin i taayyo zaariis; taani yayyiyoobaa ubbaappe tana i ashshiis. Ha hiyyeesa bitanee waassiis; waassin GODAI a waasuwa syyiis.”

—**Mazamure 34:4, 6.**

Gommoora denttido Linda hagaadan gaasu: “Taani, ‘Tawu kehissa’ gaada mule woosasa erikke. Taani ubbatoo, ‘Taani minnanaadan maadda. Qassi ta sahuwaa danddayanaadan maadda’ gaada woossays.”

Minnanawu Xoossaa Qaalaa nabbaba.

“[Yan] de7iya ooninne, ‘Taani harggais’ yaagenna.”—**Isiyaasa 33:24.**

Xoossay immanawu qaalaa gelidobaa wotta denttada qoppa. Hegee genccanaadan maaddiya minotettaa neeyyo immana.

keehi minettidosona. Qassi so asaynne laggeti immiyo maadoynne eta siiqoy maaddana danddayees.

ISSOTI ISSOTI WAANI GENCCIDONAA?

Layttay 58 gidido Roberti hagaadan giis: “Xoossan ammanetta, qassi neeni sahuwaa genccanaadan I nena maaddana. Yihoowa woossa. Neeyyo siyettiyaabaa ayyo yoota. Geeshsha ayyaanaa immanadan A oychcha. Neeni lo'obaa qoppaanaadaaninne ne soo asaa minttettanaadan, qassi sahuwaa genccada woppu gaada de'anaadan maaddana mala A oychcha.

Ne soo asay nena qofan maaddiyooqee keehi go'iyaaaba. ‘Payyatettay ay malee?’ giidi oychchanawu galla galla issi woy naa'u asi taassi dawalees. Dumma dumma sohuwan de'iya laggeti tana minttettoosona. Eti taani woppu gaanaadan oottoosona; qassi hegee taani hidootaa qanxennaadan maaddiis.”

Neeni sahattida ne laggiyaa oychchiyo wode, Linda giidobaa akeeka: “Sahattida uri danddayettida keenan payya asadan de'anawu koyiyooqeenne ubatoo sahuwaabaa haasayanawu koyennan aggana danddayiyooqee qoncce. Yaatiyo gishshawu, haroo-deegaadan haasaya.”

Xoossay minotettaa immin, Geeshsha Maxaafay minttettin, qassi siiqiya so asaynne laggeti maaddin, nuuni wolqqaama harggiyan gencchiyo wodekka, de'uwani de'iyooqee go'iyaaaba gidiyooqaa ammanettana danddayoos.



So asaanne laggeta maaduwaaw oychcha.

“Laggee mule wodekka siiqees; ishaikka metuwaa wode maaddanaassi yelettees.”—**Leemiso 17:17.**

Gommoora ibaa denttido Elisa, “Asaappe shaahettooppa” yaagaasu. Gujjadakka hagaadan gaasu: “Ne laggeti maaddanaadan eeno ga. Neeni boorasiyoonne Xoossaykka ne woosaa siyennabada qoppiyo wodee daana danddayikkonne, asaappe shaahettooppa.”

Neeni Keehi Azzanada De'anawu Koyenna Wode

“Tawu aggennan hegaadan siyettiis. Hegaa gishshawu, taani hayqqiyaakko lo'o gaada kuuyaas” gaada, Brazile biittaa asa gidida Adriyaana yootaasu.

NEENI keehi azzanada de'anawu koyikke ga eray? Yaatikko, Andriyaanissi siyettidabaa neeni akeekana danddayaasa. A keehi un'ettaasu, azzanaasunne hidootaa qanxxaasu. Ubbatoo keehi azzanaadan oottiya harggee Adriyaano oyqqiis.

Cimida ba aawaanne aayyiyo xeelliya Jaappaane biittaa asa gidida Ka'orubaakka qoppa. I hagaadan giis: “He wode tawu oosoy keehi dariyo gishshawu taani keehi daafurays. Guyyeppe taassi qumaa koshshay xayiis; qassi taani maara xiskkikke. Taani hayqqiyaakko woppu gaana gaada qoppaas.”

Nayjeeriyaa biittaa asa gidida Ojebode, “Taani ubba wode keehi azzanada yeekkays, yaanin tana woriyo ogiyaa koyaas” yaagiis. Ojebode, Ka'orunne Adriyaana banttana woribeennaagee ufayssiyaaba. SHin layttan layttan sha'an qoodettiya asay bana barkka worees.

MAADUWAA AWUPPE DEMMUUTEE?

Bana barkka woriyaageetuppe daroti attumaa-geeta; hegeetuppe daroti harata maaduwa oychchanawu keehi yeellatoosona. Hargganchchattussi aakimee koshshiyooгаа Yesuusi yootiis. (Luqaasa 5:31) Neeni keehi un'ettada nena woranawu qoppikko, harata maaduwa oychchanawu yeellatoppa. Akkamettiyoogee lo'obaa qoppanaadaninne genccanaadan banttana maaddidoogaa

un'ettiya daroti akeekidosona. Ojebode, Ka'orunne Adriyaana akkamettidi maaduwa demmidoo-gee eti ha'i genccanaadan oottiis.

Dottoreti un'ettidaageeta akkamanawu xaliyaa immana woy zorana danddayoosona. Un'ettidaageetu soo asayenne laggetikka eta hanotaa akeekanne eta danddayana, etassi qoppananne eta maaddana koshshees. Ba Qaalaa Geeshsha Maaxaafaa baggaara maalaalissiya ogiyan maaddiya, Xoossaa Yihoowa mala lo'o dabboy baawa.

HEGEE MERINAWU XAYAANEE?

Un'ettiyaageeti adussa wodiyawu akkamettanne bantta kase meeziyaa laammanna koshshennan waayi aggana. Gidoppe attin, neeni un'ettikko, Ojebodaagaadan, sinttappe ufayssiya wodee yaanaagaa hidootan naagana danddayaasa. I hagaadan giis: “Sa'an ooninne ‘taani harggais’ geenna wodiyaabaa kasetidi yootiya, Isiyaasa 33:24y pollettin be'anawu taani yeemottays.” “Sahoi” bayinna “ooratta sa7aa” ehaanawu Xoossay gelido qaalan Ojebodaagaadan minetta. (Ajjuuataa 21:1, 4) Qaalaa gelido he odettidabay ayba sahoynne xayanaagaa bessees. Neeni azzanoy merinawu xayana. Ne azzanoy haranttuwaa mule neeyyo “hassayettanne qofettenna.”—Isiyaasa 65:17.

Maaddana Danddayiya Geeshsha Maxaafaa Xiqiseta

Xoossay neeyyo siyettiyaabaa akeekes.

“Taani GODAI, ne Xoossai, ne ushach-cha kushiya oiqqana. . . . ‘Yayyoppa, taani nena maaddana.’”

—**Isiyaasa 41:13.**

Yihooway nuuyyo siyettiyaabaa oogaap-penne aaruwan akeekes; qassi I nuna maaddanawu koyees.

Xoossaa Qaalaa Wotta Dentta Qoppa.

“[Eelaasi], ‘Ta shemppuwaa ekka’ yaagidi haiqqanau woossiis.”

—**1 Kawotu Maxaafaa 19:4.**

Ojebodi hagaadan giis: “Xoossaa Qaalaa wotta denttada qoppiyoogee tana maaddiis. Taayyo siyettidoogaadan, hananabaa yootiya Eelaasawu issi wode siyettidoogaa taani akeekaas.”

Geeshsha Maxaafan etabayo odettido asatubaappe tamaara.

“Taani [Yesuusi] ne ammanoi bayenna mala, neessi [PHeexiroosawu] Xoossaa woossaas.”—**Luqaasa 22:32.**

Kiitettida PHeexiroosi Yesuusa heezutoo kaddi simmidi, keehi un’ettidi mishetti yeekkiis. Ka’oru hagaadan giis: “PHeexiroosawu siyettiyaabay Yihoowanne Yesuusa qofissidoogaa taani akeekanaadan, PHeexiroosa gakkidabay tana maaddiis. Hagee tana minttettiis.”

Ne azzanoy haranttuwaa mule neeyyo “hassayettennanne qofetenna.”—**Isiyaasa 65:17**



De'uan De'yoogee Go'iyoy Aybissee?

Fizala machchiyaa hayqqoosappe issi laytta gidiyaa-gee aadhdhin I wozanaa shuhettana koshshiis. I ha-gaadan giis: “Taani lyyooba maxaafaa nabbabiyo wode, Yihooway Geeshsha Maxaafan heгаа xaafissido gaasoy de'yoogaa erays. Nuuni keehi un"ettiyo wode, nuugaadan un"ettida uraabaa Geeshsha Maxaafaappe nabbabiyoogee nuna minttettees.” I gujjidi, “De'uan de'yoogee go'yaaba” yaagiis.

Tarsha ba aayiyaa hayqqiyo wode yelaga. A ha-gaadan gaasu: “Tana daro metoy gakkikkonne, tana Medhdhidaagaa eriyooogee de'uwawu halchchettida-baa akeekada, hidootan naaganaadaaninne ufayttanaadan oottees. Yihooway nuuni ubba galla genccanaadan nuna maaddana danddayiyoogaa amanettana danddayoos.”

DUMMA dumma waayee gakkidi, de'oy genccanawu keehi metiyaaba milatanaadan waati oottana danddayiyaakko hagaappe kasetiya huuphe yohotun qoncciiis. Ne metuwan neeni gencciiyo wode, de'uan de'yoogee go'yaabeeshsha, woy qassi tawu qoppiya uri de'iishsha gaada qoppaana danddayaasa. Ne metuwan Xoossay neessi qoppiyoogaa ammanetta. Neeni ayyo al'o.

Mazamure 86 xaafidaagee, “Neeni taayyo alliyo gishshau, ta metuwaa gallassan taani neeyyo waassais” yaagidi, I Xoossan ammanettiyoogaa yootiis. (Mazamure 86:7) SHin, neeni ‘Xoossay “ta metuwaa gallassan” waati zaarane? gaada oychchana danddayaasa.’

Xoossay ne metuwaa sohuwaara qaarana xayikkonne, A Qaalay Geeshsha Maxaafay neeni genccanaadan maaddiya sarotettaa I neessi immana danddayiyoogaa hagaadan yootees: “Xoossaa intte woossiyo woosa ubban a keehi galatiiddi, inttena koshshiyaabaa ubbau woossiteppe attin, issibaukka hirgoppite. Qassi asa eratettaa ubbaappe aadhdhiya Xoossaa sarotettaa intte wozanaanne intte qofaa . . . naagana.” (Piliphphisiyuusa 4:6, 7) Xoossay nuuyyo qoppiyoogaa nuuni ammanettanaadan kaallidi de'ia Geeshsha Maxaafaa xiqiseti waatidi maaddiyaakko hayyanaa qoppa.

Xoossay Neeyyo Qoppees

“[Siine kafotuppe] issinnonne Xoossai dogenna.

. . . Daro siine kafotuppe intte aadhdheeta.”

—Luqaasa 12:6, 7.

HAGAA QOPPA: Siine kafotu mala guutta kafoti daro asawu maaddiyaabaa waayi milatana; shin Xoossay etawu qoppees. Xoossay siine kafota ubbaa akeekes; ubbaykka al'o mereta. Asay Xoossawu siine kafotuppe keehi aadhdhees. Xoossay saan medhdhido meretatu ubbaappe asay keehi maalaalissiya mereta. Eti Xoossaa “leemisuwan” merettidosona, qassi maalaalissiya A eeshshata bessiyooogan dicci dicci baana danddayoosona.—Doomettaabaa 1:26, 27.

“Abeet GODAU, neeni tana qoradasa; qoradakka eradasa. . . Neeni ta qofaa . . . akeekaasa. . . Tana paaccada, ta qofaa era.”—Mazamure 139:1, 2, 23.

HAGAA QOPPA: Xoossay nena loytti erees. Neessi siyettiyaabanne nena qofissiyaabaa I erees. Ne metuwanne nena hirgissiyaabaa harati erana xayikkonne, Xoossay neeyyo qoppeesinne nena maaddanawu koyees. Hegee de'uan de'yoogee go'yaaba gidanaadan oottees.

Neeni metootananne ne de'oy
genccanawu keehi metiyaaba milatana
danddayikkonne, Xoossaa Qaalaa
minttada xanna'anne Xoossay qaalaa
gelidoban ne ammanuwaa mintta.
Hegee neeni ufayttanaadaaninne
de'uan de'yoogee go'yaaba
gidiyooogaa ammanettanaadan oottana.

Ne De'oy Ufayssiyaagaa

“Abeet GODAU, ta woosaa siya; ta waasoi neekko gakko. . . . Ne haittaa taakko yegga; taani neeyyo waassiyo wode, taayyo eesuwan alla. . . . I hiyyee-satu woosaa siyana.”—**Mazamure 102:1, 2, 17.**

HAGAA QOPPA: Bantta tuggaa gaasuwan asay afuxido afutta ubbaa Yihooway akeekees. (Mazamure 56:8) Hegan ne afuttaykka de'ees. Neeni Xoossaayyo al'o gidiyo gishshawu, I ne waaye ubbaanne ne afutta ubbaa hassayees.

“Taani ne Xoossaa gidiyo gishshau dagammoppa. Taani nena minttana; qassi taani nena maaddana. . . . Taani GODAI, ne Xoossai . . . nena, ‘Yayyoppa, taani nena maaddana’ [yaagays].”
—**Isiyaasa 41:10, 13.**

HAGAA QOPPA: Xoossay nena maaddanawu koyees. Neeni kunddikko, I nena denttana.

Sinttappe Keha Wodee Yaanaagawu Hidootay De'ees

“Xoossaa Na7aa ammaniya ubbai merinaa de7u-waa ekkanaappe attin, xayenna mala, Xoossai ha sa7aa keehi siiqido gishshau, ba mexi issi Na7aa immiis.”—**Yohaannisa 3:16.**

HAGAA QOPPA: Xoossay nena keehi siiqiyo gishshawu, ba Na'aa, Yesuusa ne gishshataassi yarshsho oot-tidi ba dosan immiis. He yarshshoy neeni merinawu ufayssiya de'o de'anaadan oottees.*

* Yesuusa yarshshoy nena waati maaddana danddayiyaakko gujjada eranawu, www.jw.org/wal/NUBAA > HASSAYUWAA giyaagaa garssan Yesuusa Hayquwaa Hassaya giya biiduwa xella.



‘I Neeyyo Qoppees’

Ne de’uwan harati nena yeggi bayikkonne, nena mule yeggenna uri de’ees. I oonee?

Beni wode Kawoy Daawiti hagaadan giis:
“Ta aawainne ta aayiyaa tana aggiyaakkonne, GODAI tana dichchana.”—Mazamure 27:10.

Yihooway “maarotettaa Aawaanne minttetto ubbaa Xoossaa. . . . Nu waaye ubban i nuna minttettes.”—2 Qoronttoosa 1:3, 4.

“I intteyyo qoppiyo gishshau, inttena hirggissiya ubbabaa a bolli olite.”—1 PHeexiroosa 5:7.

Xoossay nena maaddanawu waati koyiyaakko eranawu Yihoowa Markkati attamissido, *Merinawu Ufayttada De’a!* giyo maxaafaa timirtte 08 xeella. Hagee www.jw.org/wal saytiyankka de’ees.



HAYYANINTTA TAWU HA MAXAAFAA KIITTITE
Merinawu Ufayttada De'a!

Xoossaakko waana shiiqanaakko gujjada eranawu, Yihoowa Markkati attamissido, ha maxaafaa timirtte 08 xeella. Hagee www.jw.org/wal saytiyan de’ees

QAALAY _____

SUNTTAY _____

ADRASHAY _____

Kiittiyo adrashaa sinttaa 2n xeella



Ha maxeetiyaanne kase maxeeteta naxan dawunlode ootta



Intterneetiyaa Geeshsha Maxaafay 150ppe dariya qalan de’ees

[jw.org](http://www.jw.org)® websaytiyaa xomoosa woy koodiyaa iskane ootta



wp.19.2-WL
220427